

BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON GORAŽDE  
KANTONALNI SUD U GORAŽDU  
Broj: 005-0- Su-26-000047  
Goražde, 05.02.2026. godine

IZVJEŠTAJ O RADU KANTONALNOG SUDA U GORAŽDU  
za period od 01.01.2025.do 31.12.2025. godine

Zakonom o sudovima u Federaciji Bosne i Hercegovine ( "Službene novine F BiH" broj 38/05, 22/06,63/19, 72/10, 7/13, 52/14 i 85/21 ) uređena je organizacija, stvarna i mjesna nadležnost, finansiranje, pravosudna uprava i drugi odnosi značajni za funkcionisanje sudova. Odredbom člana 25. ovog Zakona propisano je da se Kantonalni sud u Goraždu osniva za područje Bosansko-podrinjskog kantona Goražde sa stvarnom nadležnosti iz člana 28. istog Zakona.

Obzirom da je odredbom člana 63. stav 2. Zakona o sudovima u Federaciji Bosne i Hercegovine propisana obaveza svih sudova da podnose godišnji izvještaj o radu, to Kantonalni sud u Goraždu saglasno Smjernicama VSTV-a BiH za izradu godišnjeg narativnog izvještaja podnosi sljedeći izvještaj o radu za 2025. godinu.

#### I - ORGANIZACIJA SUDA

Pravilnikom o unutrašnjoj organizaciji suda broj 005-0-Su-06-000 080 od 30.03.2006. godine i njegovim izmjenama i dopunama broj 005-0-Su-15-000 107 od 10.12.2015. godine i broj : 005-0-Su-21-000128 od 09.08.2021. godine, u sudu su ustanovljene dvije organizacione jedinice: Organizaciona jedinica sudija koju čini četvero sudija od kojih je jedan predsjednik suda i Organizaciona jedinica dopunskih poslova osnovne djelatnosti i poslova pomoćne djelatnosti koja prema sistematizaciji radnih mjesta ima ukupno deset namještenika.

U izvještajnom periodu Kantonalni sud u Goraždu nije bio kadrovski popunjen propisanim brojem sudija, jer od 06. avgusta 2024.godine, zbog odlaska jednog sudije u penziju, u sudu radi troje sudija od kojih je jedan predsjednik suda. U ovom sudu su, takođe, nepopunjena radna mjesta za troje namještenika (viši referent- daktilograf, vozač-kurir i čistačica).

Poslove kurira u sudu obavljaju namještenici ovog suda po rješenju predsjednice suda koje se donosi na početku svakog mjeseca a ovo sve do popune radnog mjesta kurira.

Od aprila 2019. godine upražnjeno je radno mjesto čistačice a poslove na održavanju higijene u sudu obavljaju uposlenice Službe za zajedničke poslove BPK Goražde. Navedeno postupanje za sada je ocijenjeno kao ekonomski prihvatljivo. U 2025.godini internim premještanjem jednog višeg referenta – daktilografa popunjeno je radno mjesto tehnički sekretar.

Sud nema sekretara suda.

Finansijsko-računovodstvene poslove, do 13.11.2025.godine, obavljali su zajednički za potrebe Kantonalnog i Općinskog suda u Goraždu jedan namještenik zaposlen u Kantonalnom sudu u Goraždu i jedan namještenik zaposlen u Općinskom sudu u Goraždu koji je navedenog datuma

otišao u penziju i od tada sve finansijsko-računovodstvene poslove obavlja namještenik Kantonalnog suda u Goraždu uz pomoć državnog službenika uposlenog u Ministarstvu za pravosuđe, upravu i radne odnose BPK Goražde.

Prema godišnjem rasporedu poslova, koji se donosi za svaku godinu, sve sudije su u protekloj godini radile na predmetima svih referata iz nadležnosti ovog suda, a sa predmetima se zadužuju putem CMS -a u jednakim dijelovima.

Predsjednik suda, radi na svim referatima u omjeru norme od 50 % u odnosu na sudije. U sudu su organizovana stalna vijeća sudija za rad na predmetima.

Sudije Kantonalnog suda u Goraždu u periodu od 01.01.2025. do 31.12.2025.godine odsustvovala su kako slijedi iz tabele:

Ime i prezime sudije	Godišnji odmor	Praznik	Bolovanje	Plaćeno odsustvo	Slobodni dani	Seminar - Online seminar	Službeni put	Rad u VSTV	Ukupno
Milijana Bjelović	35	7	0	0	0	4	5	0	51
Tanja Dajić	30	6	17	0	0	4	0	0	57
Edin Bičo	29	6	2	0	1	9	2	0	49

Kantonalni sud u Goraždu smješten je u zgradi koja je u vlasništvu Bosansko-podrinjskog kantona Goražde i koristi jedan sprat zgrade. U zgradi je osim Kantonalnog suda smješteno više organa izvršne vlasti BPK-a Goražde i drugih organizacija. Prostor u kojem je smješten sud nije građen namjenski za potrebe suda što se negativno odražava na njegovu funkcionalnost, zbog čega se suđenje u predmetima koja zahtjevaju više stranaka, svjedoka, obavlja u sudnici Općinskog suda u Goraždu.

Kantonalni sud se finansira iz budžeta Bosansko-podrinjskog kantona Goražde. U protekloj godini Kantonalni sud u Goraždu je sačinio prijedlog budžeta u skladu sa Smjernicama VSTV BiH na koji je dobio saglasnost VSTV BiH, a koji nije usvojen u predloženom iznosu, obzirom da je izvršna vlast umanjila budžet zbog nedostatka sredstava.

U toku 2025. godine sudije i zaposlenici nisu bili odsutni sa posla u dužem vremenskom periodu zbog bolovanja ili drugog opravdanog odsustva, tako da su svi poslovi obavljani blagovremeno i efikasno.

## II - OSTVARENE NORME

Na osnovu evidencija-podataka iz Sistema za automatsko upravljanje predmetima u sudovima (CMS) u 2025.godini primljeno je 294 predmeta koji se iskazuju kroz normu i uz 5 predmeta koji su preneseni u rad iz 2024. godine, tako da je u 2025. godini bilo u radu 299 predmeta.

Broj riješenih predmeta u 2025. godini je 280.

Procenat riješenih predmeta je 99,38% jer su svi predmeti po kojima se moglo postupati riješeni. Na kraju 2025. godine ostalo je neriješeno 19 predmeta, od kojih je 17 primljeno u decembru 2025. godine, odnosno nisu mogli biti riješeni zbog vremena zaprimanja predmeta u sudu, i to: predmet broj: 05 0 U 001321 25 U – zaprimljen u sudu 18.12.2025. godine; 05 0 U 001322 25 U – zaprimljen u sudu 19.12.2025. godine; 05 0 U 001324 25 U – zaprimljen u sudu 19.12.2025. godine; 05 0 U 001327 25 U – zaprimljen u sudu 19.12.2025. godine; 05 0 U 001329 25 U – zaprimljen u sudu 19.12.2025. godine; 05 0 U 001249 25 U3 – zaprimljen u sudu 22.12.2025. godine; 05 0 U 001320 25 U – zaprimljen u sudu 15.12.2025. godine; 05 0 U 001323 25 U – zaprimljen u sudu 19.12.2025. godine; 05 0 U 001325 25 U – zaprimljen u sudu 19.12.2025. godine; 05 0 U 001326 25 U – zaprimljen u sudu 19.12.2025. godine; 05 0 U 001328 25 U – zaprimljen u sudu 19.12.2025. godine; 05 0 U 001330 25 U - zaprimljen u sudu 19.12.2025. godine; 45 0 Rs 048257 25 Rsž – zaprimljen u sudu 12.12.2025. godine; 45 0 Rs 048237 25 Rsž – zaprimljen u sudu 12.12.2025. godine; 45 0 Rs 049174 25 Rsž - zaprimljen u sudu 12.12.2025. godine; 45 0 I 049548 25 Gž – zaprimljen u sudu 12.12.2025. godine i 05 0 Dn 001331 25 Gž – zaprimljen u sudu 26.12.2025. godine.

Neriješeni predmet broj: 05 0 U 001214 25 U2 zaprimljen je u sudu 18.11.2025. godine, ali zbog prve izostale dostave tužbe na odgovor, u decembru 2025.godine tužba je ponovo poslana na odgovor i zatražen cio spis tuženog pa iz navedenog razloga predmet nije mogao biti riješen do kraja 2025.godine.

U neriješenom predmetu broj: 45 0 Rs 044107 25 Rsž 2, koji je u sudu zaprimljen 28.10.2025. godine, bila je zakazana rasprava pred drugostepenim sudom 25.12.2025.godine, a koja je morala biti odgođena je za 10.02.2026. godine po naknadnoj obavijesti vještaka da ne može pristupiti na sud. Iz navedenih razloga predmet nije mogao biti riješen do 31.12.2025. godine.

Na osnovu riješenih 280 predmeta ostvarena je kolektivna norma od 43,97%. Pored svih riješenih predmeta u radu, ostvarena kolektivna norma suda od 43,97 % je niska, a razlog tome je jedino i isključivo mali priliv predmeta koji se na rješavanje ovom sudu dostavljaju od strane Općinskog suda u Goraždu. Nedovoljan priliv predmeta se može objasniti činjenicom da se i na Općinskom sudu u Goraždu bilježi manji priliv predmeta.

Sudija Kantonalnog suda u Goraždu Edin Bičo je Odlukom Visokog sudskog i tužilačkog vijeća BiH, po Odluci broj: 06-07-3-1364-2/2024 od 19.04.2024. godine a potom po Odluci broj: 06-08-5-124-6/2025 od 09.04.2025. godine, privremeno upućen u Kantonalni sud u Sarajevo radi pružanja pomoći tom sudu na rješavanju starih predmeta, pa je po tim Odlukama radio tokom cijele 2025. godine. Sudija Edin Bičo je po navedenim Odlukama preuzimao predmete, rješavao i ostvario određenu normu u Kantonalnom sudu u Sarajevu.

Ostvarene norme u 2025.godini za sudije Kantonalnog suda u Goraždu su:

Ime i prezime sudije	Broj predmeta u radu u Kantonalnom sudu u Goraždu	Broj predmeta u radu kao sudija Kantonalnog suda u Sarajevu	Ostvarena norma na predmetima Kantonalnog suda u Goraždu	Ostvarena norma na predmetima Kantonalnog suda u Sarajevu	Ukupno ostvarena norma
Milijana Bjelović	67	0	40,56 %	0	40,56 %
Tanja Đajić	110	0	45,07 %	0	45,07 %

Edin Bičo	122	188	46,29%	85,67%	131,96 %
-----------	-----	-----	--------	--------	----------

Razlog ostvarene godišnje norme u Kantonalnom sudu u Goraždu, koja je manja od 100% pripisuje se jedino i isključivo nedovoljnom broju predmeta u radu.

### III - OSTVARENI KVALITET

Kvalitet rada Kantonalnog suda u Goraždu prikazan je kao u tabeli:

Vrsta predmeta	Broj donesenih odluka na koje se može izjaviti pravni lijek	Broj potvrđenih odluka	Broj preinačenih odluka	Broj preinačenih odluka nakon održanog pretresa	Broj ukinutih odluka
Gž	63	4	3	0	1
Pž	5	2	0	0	0
Rsž	26	2	1	0	1
Kž	13	0	0	0	0
U	50	2	1	0	2
Ostali	26	0	0	0	0
UKUPNO:	183	10	5	0	4

U 2025. godini u Kantonalnom sudu u Goraždu donesene su 183 odluke na koje se može izjaviti pravni lijek dok je u 2024. godini u Kantonalnom sudu u Goraždu doneseno 177 takvih odluka. U odnosu na prošlu godinu, razlika u broju donesenih odluka na koje se može izjaviti pravni lijek je u 6 predmeta iz razloga strukture predmeta u radu.

U 2025. godini u Kantonalnom sudu u Goraždu, nakon što je odlučivano po podnesenim pravnim lijekovima, vraćeno je 28 predmeta. U 9 predmeta pravni lijek je odbačen, 10 odluka ovog suda je potvrđeno, pet odluka je preinačeno i četiri ukinute odluke od kojih je jedna djelimično ukinuta zbog čega je kvalitet sudskih odluka iskazan u procentima 86,53%.

### IV- OSTVARENI REZULTATI PO BROJU RIJEŠENIH I NERIJEŠENIH PREDMETA

Rezultati rada Kantonalnog suda u Goraždu za period 01.01.2025.godine do 31.12.2025.godine u odnosu na broj primljenih, riješenih i neriješanih predmeta prikazani su na sljedećoj tabeli:

PROTOK PREDMETA PO REFERATIMA

KRIVIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
K-Iksž	0	3	3	0
K-Kpp	0	12	12	0
K-Kps	1	3	4	0
K-Kž	0	13	13	0
K-Kžv	0	1	1	0
K-Mpom	0	8	8	0
K-K	0	2	2	0
K-Kv	0	4	4	0
UKUPNO	1	46	47	0

PREKRŠAJNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
Pr-Pžp	0	14	14	0
Pr-Zmž	0	12	12	0
UKUPNO	0	26	26	0

PARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
Mal-Gž	0	26	26	0
P-Gž	0	40	40	0
P-Mož	0	2	2	0
Rs-Rsž	0	31	27	4
Rs- Mož	0	1	1	0
UKUPNO	0	100	96	4

PRIVREDNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
Mals-Pž	0	2	2	0
Ps-Mož	0	1	1	0
Ps-Pž	0	3	3	0
UKUPNO	0	6	6	0

IZVRŠNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
I-Gž	0	15	14	1
Ps-Pžip	0	2	2	0
P-Gži	0	2	2	0
Rs-Rsži	0	4	4	0
V-Gži	0	1	1	0
UKUPNO	0	24	23	1

UPRAVNI REFERAT :

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
U-U	3	64	54	13
U-Uvp	0	1	1	0
UKUPNO:	3	65	55	13

VANPARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta u 2025.godini	Broj riješenih predmeta u 2025.godini	Broj neriješenih predmeta na kraju 2025.godine
V-Gvlž	0	1	1	0
V-Gž	1	7	8	0
V-V	0	9	9	0
UKUPNO	1	17	18	0

## ZEMLJIŠNO-KNJIŽNO

Vrsta predmeta	Broj neriješenih predmeta na početku perioda	Broj primljenih predmeta u 2025. godini	Broj riješenih predmeta u 2025. godini	Broj neriješenih predmeta na kraju 2025. godine
Dn-Gž	0	3	2	1
UKUPNO	0	3	2	1

## SUDSKA UPRAVA

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Su-Ap	0	7	7	0
UKUPNO	0	7	7	0

### V- PRILIV PREDMETA, NEDOVOLJAN BROJ PREDMETA U RADU, RAD NA STARIM PREDMETIMA

Već duži vremenski period smanjuje se priliv predmeta u radu ovog suda zbog čega se sudije ovog suda, izuzev sudije koji radi i za Kantonalni sud u Sarajevu, ocjenjuju po obrascu ocjenjivanja koje se vrši u okolnostima nedovoljnog broja predmeta.

O razlogu nedovoljnog broja predmeta u radu sudija raspravljano je na sjednicama Stručnog kolegija ovog suda i konstatovano da je isključivi razlog smanjenje priliva predmeta nedovoljan broj predmeta koji se dostavljaju od strane Općinskog suda u Goraždu, predmeta o kojima se odlučuje pred ovim drugostepenim sudom kao i zbog nedovoljnog broja predmeta u kojim ovaj sud postupa kao prvostepeni sud. I pored činjenice da je u 2025. godini u odnosu na 2024. godinu zabilježeno više upravnih predmeta po upravnim tužbama, oni nisu značajno mogli uticati na kolektivnu normu.

Nedostatak u ostvarenju norme u Kantonalnom sudu u Goraždu, kao i u ranijim godinama, sudija Edin Bičo je uz dobrovoljni pristanak na upućivanje u Kantonalni sud u Sarajevo uspio da ostvari ukupnu godišnju normu od 131,96%.

Sve primljene predmete na postupanje po žalbi u 2024. godini sud je riješio, izuzev 5 predmeta sa zakonskim i procesnim smetnjama te iz tog razloga nije pravio plan rješavanja predmeta za I kvartal 2025. godine.

Kantonalni sud u Goraždu je za tri kvartala (drugi, treći i četvrti) riješio sve predmete iz Plana rješavanja predmeta te je isti realizovan 100%.

Kod rješavanja predmeta, skoro u svim predmetima, poštovani su optimalni i predvidivi rokovi. U dva riješena predmeta upravnog spora zabilježeno je prekoračenje optimalnog predvidivog roka iz razloga što su predmeti, po zahtjevu tužilaca u tim predmetima, bili na Ustavnom sudu F BiH radi rješavanja prethodnog pitanja.

## VI – TRAJANJE POSTUPKA

Redovnim praćenjem ažurnosti rada sudija, kontrolom zaduženih predmeta, uočeno je da su, osim već navedenih predmeta, predmeti rješavani uz poštivanje zakonskih, optimalnih i predvidivih rokova.

Prosječno trajanje postupaka prema referatima prikazano je na sledećoj tabeli:

Vrsta referata	Broj primljenih predmeta u toku izvještajnog perioda	Broj riješenih predmeta u 2025.godini	Broj neriješenih predmeta na kraju 2025.godine	Prosječno trajanje riješenih predmeta u danima
IZVRŠNO	24	23	1	28,74
KRIVIČNO	47	47	0	14,15
PARNIČNO	100	96	4	33,30
PREKRŠAJNO	26	26	0	12,92
PRIVREDNO	6	6	0	33,33
SUDSKA UPRAVA	7	7	0	3,43
UPRAVNO	68	55	13	94,67
VANPARNIČNO	18	18	0	18,22
ZEMLJIŠNO-KNJIŽNO	3	2	1	16,00
UKUPNO	299 ( sa 5 predmeta iz 2024.god.)	280	19	28,30

## VII - REZULTATI NA PREDMETIMA RATNIH ZLOČINA I PREDMETIMA KORUPCIJE I ORGANIZOVANOG KRIMINALA, O ZASTARI PREDMETA, ZAKLJUČNA ZAPAŽANJA O RADU SUDA

Pred Kantonalnim sudom u Goraždu u 2025.godini nije bilo predmeta ratnih zločina.

U izvještajnom periodu među primljenim predmetima nije bilo krivičnih predmeta organizovanog kriminala i koruptivnih krivičnih djela.

U krivičnim i prekršajnim predmetima koji su bili u radu, nije bilo predmeta u kojem je nastupila zastara krivičnog gonjenja.

Rezultati Kantonalnog suda u Goraždu ostvareni su zbog nastojanja da on svojim radom doprinese ostvarenju postavljenih strateških ciljeva: unapređenju efikasnosti, odgovornosti, kvalitetu i nezavisnosti sektora pravde u BiH ostvarljivo kroz održavanje dostignutog nivoa efikasnosti i rješavanje predmeta u zakonskim i optimalnim rokovima.

Sud je uspio da riješi sve zaprimljene predmete po kojim se moglo postupati, da ih rješava u rokovima izričito predviđenim zakonom, pri čemu niti jedna stranka nije prigovorila kašnjenju u donošenju odluke od strane ovog suda jer za to nije bilo razloga.



U odnosu na 2024.godinu, neznatno je smanjeno prosječno trajanje vremena za rješavanje predmeta u danima, od 28,81 dana u 2024.godini, u 2025.godini ono iznosi 28,30 dana.

Znajući da od kvaliteta odluke uveliko zavisi povjerenje stranaka i javnosti u rad sudova, ovaj sud je i u tom dijelu težio uspješnom ostvarenju cilja, a u postupku preispitivanja pravilnosti donijetih odluka od strane višeg suda, bile su 4 ukinute odluke, od kojih je jedna odluka djelimično ukinuta.

#### VIII - INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA BiH

Kroz redovno informisanje od strane savjetnika za prevenciju seksualnog i rodno zasnovanog uznemiravanja u Kantonalnom sudu u Goraždu predsjednica suda ima saznanja o svim preduzetim radnjama vezanim za provođenje Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine. U izvještajnom periodu nije bilo ni pismenih niti usmenih zahtjeva na osnovu kojih bi savjetnik za prevenciju seksualnog i rodno zasnovanog uznemiravanja pokrenuo internu proceduru za preventivno djelovanje, nije bilo uznemiravanja i neželjenog ponašanja. Iz navedenih razloga imenovani savjetnik nije podnosio pismene izvještaje predsjednici suda sa pregledom stanja u vezi sa prevencijom seksualnog i rodno zasnovanog uznemiravanja unutar ove institucije kako je to određeno odjeljkom III tačka 3.6. Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine.

#### IX - INFORMACIJA O AKTIVNOSTIMA PREDUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH I POSTIGNUTI REZULTATI

Kantonalni sud u Goraždu saglasno Smjernicama za izradu godišnjeg narativnog izvještaja o radu sudova kao i članu 8. stav 2. Obavezujućeg uputstva o uvođenju rodne perspektive u radne procese u Kantonalnom sudu u Goraždu, podnosi Izvještaj o aktivnostima preduzetim u cilju implementacije Strategije za unapređenje rodne ravnopravnosti u pravosuđu BiH i postignutim rezultatima. Šefica pisarnice-službenica za informisanje i odnose sa javnošću je osoba koja prati primjenu navedenog Uputstva i koja najmanje jednom godišnje sačinjava i dostavlja izvještaj predsjednici suda o primjeni ovog Uputstva.

U godišnjem izvještaju navela je da su svi zaposleni ranije upoznati i podsjećani u izvještajnom periodu na Obavezujuće uputstvo o uvođenju rodne perspektive u radne procese u Kantonalnom sudu u Goraždu, da su u svom radu iskazali aktivnost da se sve osobe koje su došle u kontakt sa Sudom tretirane na jednak način, da im je omogućen jednak pristup pravdi bez obzira na pol i/ili rod i da niti u jednom podnesku upućenom ovom sudu, niti u usmenom obraćanju, nije zabilježena primjedba na rad Suda, a koja se tiče rodne ravnopravnosti.

U Izvještaju se navodi da su zaposlenici Suda upoznati i svjesni zabrane diskriminacije bilo kojeg oblika po bilo kojem osnovu, da su svi zaposleni u svom radu ispoljili djelovanje na zaštitu rodne ravnopravnosti te se posebnim ističe da nije bila u situaciji da pokreće postupak i sačinjava izvještaj o nepoštivanju Obavezujućeg uputstva pa tako i nije bila u situaciji da predsjednici suda dostavi navedenu informaciju i da daje prijedlog za otklanjanje uočenih nedostataka.

Znajući da su svi zaposlenici dužni da u službenim dokumentima koriste rodno osjetljiv jezik upotrebom rodnih oznaka gdje god je to moguće i prikladno, posebno prilikom izrade pojedinačnih akata nastalih u njihovom radu kada se navode uloge, zvanja, funkcije i sl., Šefica pisarnice-službenica za informisanje i odnose sa javnošću je u Izvještaju navela da se kroz kontrolu otpreme pismena vodi računa o navedenom, te da se eventualno uočene pogreške ispravljaju tako da je postignut takav stepen da nije zabilježena niti jedna pogreška.

U izvještajnom periodu nije se ukazalo za potrebnim održavanje posebnih oblika saradnje sa određenim organizacijama na temu ravnopravnosti polova, prvenstveno iz razloga što je zabilježeno poštivanje Obavezujućeg uputstva u svim njegovim segmentima. U izvještajnom periodu iskazana je volja i spremnost za prisustvovanjem edukacijama u vezi unapređenja rodne ravnopravnosti pa su se 4 uposlenice odazvale pozivu vanjskog predavača u vezi primjene propisa u oblasti nasilja u porodici i nasilja nad ženama – podrška implementaciji, te svoja zapažanja i saznanja podijelile sa ostalim uposlenicima.

## X - PLANIRANE MJERE ZA POBOLJŠANJE STANJA U SUDU

Kvalitet rada suda se ocjenjuje prevashodno kroz kvalitet sudskih odluka, u smislu kvaliteta njihove zakonitosti, razumljivosti i provodivosti, a koji se cijeni na osnovu izvršene provjere od strane nadređenog suda. Uz činjenicu da su u 2025. godini ukinute četiri odluke ovog suda od kojih je jedna djelimično ukinuta, kvalitet suda se ocjenjuje zavidnim.

U cilju poboljšanja kvaliteta rada a radi eliminisanja pravne nesigurnosti kod donošenja odluka, sud će kao u ranijem periodu raditi na poštivanju zakonskih, optimalnih i predvidivih rokova, na praćenju sudske prakse prvenstveno kroz praćenje donesenih odluka Vrhovnog suda F BiH, Ustavnog suda BiH i Ustavnog suda F BiH te Evropskog suda za ljudska prava.

Saglasno navedenom, posebna pažnja će se usmjeriti da se na zajedničkim stručnim sastancima analiziraju odluke ovog suda koje su bile predmet preispitivanja po pravnim lijekovima kao i odluke koje se objavljuju putem Centra za sudsku dokumentaciju i internet portala navedenih sudova.

U cilju sticanja stručnog znanja, kao i do sada, pažnja će se posvetiti individualnoj i kolektivnoj edukaciji sudija koja se najvećim dijelom provodi kroz edukaciju koja se organizuje od strane CEST-a F BiH. Pratiće se i podsticati sudije i nesudsko osoblje na obuku za sticanje znanja iz oblasti komunikacija, u oblasti primjene profesionalne etike u obavljanju sudijske dužnosti, kao i specijalističkih edukacija iz oblasti borbe protiv organizovanog kriminala i korupcije.

Ovaj sud želi osigurati da ova pravosudna institucija najvećim dijelom bude orijentisana na što kvalitetnije zadovoljenje potreba građana te će se u tom smislu analizirati sve informacije prikupljene iz različitih izvora vezano za kvalitet pruženih usluga u ovom sudu.

Kao jedan od preduslova postizanja planiranih aktivnosti jeste i obezbjeđenje kvalitetnog radnog prostora za uposlenike suda. U okviru planiranih budžetskih sredstava izvršiće se znavljanje nedostajuće informatičke opreme, opremanje i higijensko osvježenje radnog prostora.

PREDSJEDNICA SUDA  
Milijana Bjelović

